



**Broj: 01-215/12**  
**Vareš, 27.12. 2012. godine**

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH“ broj: 49/06), člana 22. i člana 65. Statuta Općine Vareš - prečišćeni tekst, broj: 01-162/12 od 11. 09. 2012. godine Općinsko vijeće Vareš, na 3. sjednici održanoj 27.12.2012. godine, d o n o s i

## **ODLUKU**

**o raspisivanju izbora za članove Savjeta mjesnih zajednica na području općine Vareš**

### **Član 1.**

Raspisuju se izbori za članove Savjeta mjesnih zajednica na području općine Vareš.

### **Član 2.**

Izbori će se održati 23. i 24. 03. 2013. godine (subota i nedjelja) u vremenu od 13,00 do 21,00 sati.

### **Član 3.**

Savjeti mjesnih zajednica će imati od tri do devet članova zavisno od broja stanovnika u mjesnoj zajednici, sastav članova Savjeta će odražavati srazmjernu zastupljenost mjesnih područja, nacionalnu zastupljenost kao i jednakopravnu zastupljenost spolova.

### **Član 4.**

Općinsko vijeće Vareš imenuje Komisiju za sprovođenje izbora u mjesnim zajednicama koja ima predsjednika i dva člana.

Pripreme izbora i administrativno-tehničke poslove za potrebe Komisije iz stava 1. ovog člana, obavljat će Služba za društvene djelatnosti i boračko-invalidsku zaštitu Općine Vareš.

### **Član 5.**

Članovi Savjeta mjesnih zajednica i predsjednici mjesnih zajednica biraju se javnim glasanjem na zboru građana, a po postupku i na način utvrđen Statutom Mjesne zajednice.

#### **Član 6.**

Zapisnik sa zбора građana o provedenim izborima sa izabranim članovima Savjeta, izabranim predsjednicima mjesnih zajednica, dostaviti u roku od osam dana od dana održavanja izbora Službi za društvene djelatnosti i boračko-invalidsku zaštitu Općine Vareš.

#### **Član 7.**

Komisija za sprovođenje izbora će na osnovu zapisnika o provedenim izborima sačiniti izvještaj o provedenim izborima u mjesnim zajednicama i isti dostaviti Općinskom vijeću na potvrđivanje rezultata izbora i usvajanje izvještaja.

#### **Član 8.**

Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆI  
OPĆINSKOG VIJEĆA**

**Zdravko Marošević**

Odluka objavljena na oglasnoj tabli Općine Vareš dana 28.12. 2012. godine

**OPĆINSKI NAČELNIK**

**Kovačević Avdija, dipl. pravnik**

**O b r a z l o ž e n j e**  
**Odluke o raspisivanju izbora za članove Savjeta mjesnih zajednica na području**  
**općine Vareš**

**1. Pravni osnov**

Pravni osnov za donošenje ove odluke sadržan je u članu 13. Zakona o principima lokalne samouprave FBiH (Službene novine FBiH broj: 49/06), članu 22. i članu 65. Statuta Općine Vareš - prečišćeni tekst, broj: 01-162/12 od 11. 09. 2012. godine, prema kojem se izbori za članove Savjeta mjesne zajednice održavaju u terminu utvrđenom odlukom Općinskog vijeća, a u pravilu istovremeno u svim mjesnim zajednicama.

**2. Razlog za donošenje**

Programom rada Općinskog vijeća Vareš za 2012. godinu, broj: 01-239/11 od 28.12. 2011. godine predviđeno je donošenje Odluke o raspisivanju izbora za članove Savjeta mjesnih zajednica. Izbori će se održati istovremeno u svim mjesnim zajednicama što do sada nije bila praksa pa je to i glavni razlog donošenja ove odluke, a s ciljem boljeg funkcionisanja mjesnih zajednica i praćenja rada Savjeta mjesnih zajednica.

**3. Finansijska sredstva**

Za sprovođenje ove odluke nisu potrebna značajnija finansijska sredstva, osim naknade za rad Komisije za sprovođenje izbora.

PREDLAGAČ:  
**OPĆINSKI NAČELNIK**

**Kovačević Avdija, dipl. pravnik**